

«Чумиздаг лебси хъули гаша хіякъян»

«Сунела бархи «Гяжва» - чумиздагунни дерки бехибхьибсилочи, ит бархила духнар я сихру, я дарман, я силра вайси гъамхлеблар», - ибси хиядис леб Мухаммад идбагла ﷺ.

Гурра Идбагли ﷺ бурусири: «Чумиздагунни лерси хъули гаша хіякъян», или. Бархи ахъайчи дуббуцили калунси адамлисра Идбагли ﷺ дуббуцар чумиздагличил батихъес хъарбирули саби: «Хушазивадли че дуббуцили виалра, дуббуцари чумиздагли батихъенная, марлира ил Аллагъла нигмат саби. Чумиздаг хлебиалли, шинличил батихъенная, марлира илди, секлал умубиранти сари».

Нушабра ашкарливан, нушала Идбагли ﷺ нушаб пайдаласи ахенси, нушаб зарал баресигъуна секлал суннатли батурси ахен. Хебиалли чумиздаглизибра пайда биэс гягнели саби. Марлира чумиздагуназиб халаси пайда леб, илра нушани къантлкъантлчи баянбарес къайгъи бирехе.

Чумиздаг – халати клупрала берг (6 см. адиркули дирар) пальмала галгличиб башуши цедеш саби.

Чумиздаг – тамашала цедеш саби, дурала пачаликъуназиб илис арадеш



имцабиран ва гямру геркъадиран ибти сипатунни лайкъдирули дирар, Россияла бухнаб ил чебяхъси лазатла, жагадешла, байрамтала устулти делшес кабирхъуси цедеш бетатурли саби, гъумла авлакъличиб биалли илини къацла мер бурцули саби. Амма чинабалра, гъарти замунтазибадал, чумиздаглизир лерти дарула шалуби гъариллис ашкарти сари.

Тухтуртани кабизахъурливан, адамла

къаркъа хелизиб писукла (сахар) бархбас камбиалли адам гушвирар, амма ца чумал чумиздаг деркалли, илала гушдеш аркъян. Илбагъанданра дуббуцили калунси адамли чумал чумиздаг деркалли илала гаша аркъян, гур биалли камси беркайчибра гямал беткарар, илхели ил дахъал деркнилизивад верцили вирар. Дахъал дукни биалли динлизибра, арадешла шайзибра халаси мяхкамдеш бирахъес хъарбируси

секлал саби. Имцалинти излуми халаси беркеси букнилизирад сари.

Чумиздаглизиб кадурхар:

Белки 5,8 %.

Жиры 0,2 %.

Углеводы 60-65 %.

15 журала зера (соли), минералтира.

23 журала аминокислотунни.

Чумиздагуназиб леб аминокислотный триптофаном, илра деклрти дахъал цедешлизиб лебси ахен, илини бекла мехе гягил дузахъути сари, адамла гякъула (психический) шали паргъатли кавлахъуси саби хаслира гямру дерклибти адамтала. Триптофаномли адамла къаркъайзирти клеткаби духнадилахъути ахен, дугели гъанк хіякъусилисра илдани паргъатси гъанк хіякъяхъу.

Илала дурабад чумиздагуназиб гурра аминокислота леб, сунесра – глютамин биклуси. Илини желудокла имцабиубси кислота камбиру, ва уркилиничир дукни (изжога) паргъатбиру.

Илдазиб гурра фтор биклусира, селин биклусира витаминти лер. Фторли цулби дихлу кариеслизирад, селени ракла ва уркила излуми дикнила уреки камбиру.

СТР 4

Унсла дехлбала

Адам вебклибхели илис беглара къянбулхъуси дуги саби, цаэси дуги. Ит дугира вебклибсила гелабгани сецад бираллира вебклибсилес пайдала биэси секлал барес хияжатбиркур, садакъа бутни вебклибсила рухличибад, Къуръан белчи хиялалбатни, зикру-мавлд делчи илдала кери хиялалбатни. «Фатхул гялам» - биклуси жузлизиб Идбагла ﷺ хиядис бурули саби: «Марлира хушала вебклибсилес беглара къянси дуги, цаэси дуги саби, хушанира сунечи уркеци барая, илала рухличибад садакъа бутгя. Ил барес хедирадалли клел ракаатла суннатла дехлбала дарая, алхямлис герги ца «Аятул курси» белчи, ца «Ат-такассур (алга кумутта касур)» белчи, вецал «Ихлас (къулгъу)» делчи. Гур илди тамандиубли герги балга белчи: **Аллагъумма саллайту гъазиги салата ва таглам ма уриду. Аллагъумма бягис саваба ила къабри (вебклибсила у буру).** (Я Аллагъ, нуни дехлбала дарира, Хунира баладра дила къас. Я дила Аллагъ дарибти дехлба кери (вебклибсила у бура масала Гябдуллагъла урши Мухаммадла) хиябличи баахъагу). Илхели Аллагъли ﷺ ит вебклибсила хиябла бухна малаикунни бурхъу савгънира сабира, илдара вебклибсилечил барх буар ил разивирли Исфаил малаикли мукекилизи уфдахъайчил».

Гурра хиядслизиб бурули саби, илди дехлбайчив даимвиубси адам убкхлебклар Алжанализибси сунела мер чебаайчи. Цагъатли хала-гялимли бурули сай: «Хиябра разисира лев къалли гъар дуги илди дехлбала дирули илдала кери вебклибтас хиялалбатуси».

Космослизиб баргибси се шагаър сабира?!!!

15 дус гъалабал дунъя тамашабиубли сабри гякъулулизиб тикрибарес агарси, сегъуналра дазурбази какхебурхъуси, хабар дерхурси секлайчи къаршибикниличчи – галактикала байлаб закла шагъар даклубиубли саби. Космический телескоп «Хаббл»-ли касакъибти суратунани лебил дунъя тамашабариб, илдазиб лебри халаси, нурли алкунси шагъар, ит заманализибал илис Аллагъла хъали бихъиб.



Хукуматла хянчизартани ит заманализибал их анцбукъла хабурти дигъандариб, сенилра чумал сурат бахъал адматас чедаэс дикиб. 1995 дусл, январь базлизиб немецунала астрономический журналли къантлкъантлчи белкунси кагъар кабахъиб, иличира ит заманализибал лебил дунъяла делчунти-профессорти, динла хянчизарти, машгъурбиубти изданияби даклубухъун. 1994 дусл, декабрь базла, 26 бархи США-ла космическое агентстволар дахъал тамашама ахъдиуб.

СТР 3

Къираз – хайри бутлесин дузахъес арц дедни



СТР 2

Виштласили бек хяршбирни – тухтуртала хисаб сабира, Мухаммадла суннат сабира?



СТР 3

Исламлизиб шахматунала, пашкабала, картабала, нардыбала хяз бирес асубирусив?



СТР 5

Къираз – хайри бутлеслин дузахъес арц дедни



Арц дедили, вегли хянчи хебарили идазибад баклибси хайри риба саби, цархилван буралли – процент. Имцалинтала их пикри саби, амма ил хатгала пикри саби. Ишаб хялалси вягдара леб, илкьяйдали хярамсира леб. Хярамсилис риба-процент биклар, хялалсилис биалли къираз биклар. Риба сен хярамли бетаурсив? Сенахенну мас бедили, илизибад хайри бикаб, зарал бетааб, ит сасибсини кабизахъурси лугли бедлугес хяжатли саби, их вягдара барибти клелра адам, сасибсира дедибсира халаси бунагълизиб саби. Хебиалли къираз селичибли декларабулхъулив рибаличибад?

Къираз – клел адамла ургаб бируси вягдара саби, цали мас бедлуга итили ит мас бузахъу, бикибси хайрира чула ургаб буртлу чули вягдара барибси хясибли, масала 50-50, яра 60-40 яра 70-30 ва илкьяйдали чула вягдара хясибли.

Къиразлара гурти вягдуртала лерливан шуртлери лер:

1. Бузахъес бедлугуси мас балуси

къадарла, сифатла биэс хяжатбиркур. Къадар хебалуси, яра сунела сифат баянхебарибси секлал къиразли бедес хейрар, вягдара бетхерар.

2. Ил чеблали хебедили някъла бедес хяжатбиркур. Масала цали алли: нуни хлед 100 азир арцла лугасра ца базла глерги дузахъес, хайри байхъала-байхъала барили буртлехе. Илгуна вягдара къиразлизи халхебиру, бузахъес бедлугуси мас ит заманализибал бедес чебла саби.

3. Вягдара биранти вакилдешлис лайкети сифатуни черти биъни. Масала гякълу агар абдал адамли, яра виштгаси дурхяни бузахъес мас бедес хейрар, илкьяйдали сасесра. Амма илдара мас лебли биалли илдацибад илдара валени бедес вирар, ва баклибси хайри валис хебирар, чус бирар амма виштгаси халаваайчи, яра гякълу агарси духувиайчи итизиб кавлан, итинира чус къадарла нафакъа ит маслизибад бедлуга.

4. Иджаб, къабул (нуни къиразлис мас гира, нуни ил мас къабулбарира ибти гъай). Декларти вачарла вягдуртазиб

чебли бетаурливан иджабра къабулра къиразлизибра чеббурули саби. Цабехл гялимтани биалли, цала шайчибадли иджаб лебли биалли, итила шайчибадли къабул мухлила хебиубли баркъудила биалра биъни кабилзахъули саби. Масала ца виклар: ишти 100 азир къуруш арцла касили, дузахъен, хайри биалли нушала ургаб байхъала-байхъала бирехе, итилли силра хеили ихти арц касили дузахъес вехирхъули сай, их биур биклули саби цабехли гялимти.

5. Вягдара бирантани, чучи лябкъуси хайрила пайла къадар кабизахъни. Ил кахлебизахъурли, ихти арц дузахъен, нуни хлу вайтла хелтари ибси масала къаразли бетхерар. Чумали се пай масла веглис бирарал, се пай мас бузахъусилис бирарал кабизахъни чебла саби. Асубиран масала: ишти 100 азир къуруш арцла дузахъен, баклибси хайри нушала ургаб буртлехе, или эс. Сенахенну нушала ургаб буртлехе ибси гъайли байхъала-байхъала иргъахъни багъандан.

6. Баклибси хайри клиличилра бутни. Масала цали алли: ишти 100 азир къуруш арцла дузахъен, баклибси хайри лебил хлед саби, яра наб саби, илхелира къираз бетхерар. Къиразлизир шартли дарес асухедирутира лерти сари:

1. Мас бицес замана кабизахъни. Чянкли замана кабизахънизибад зарал агара, амма ил дикибхели, гъатли силра бицес асухебирар ибси шартли кабихъалли, итхели къираз бетхерар, сенахенну замана дикес асубиран, итини бицес или асибси мас, бицес бажардихейкили, илхели узан хайри агарли кавлан, лебил хайри масла веглис аркъян. Замана дикибхели секлал асес асухебирнила шартли кабихъалли, илхели асубиран, сенахенну узанла ихтияр леб асили калунси мас, бицили хайри касес.

2. Мас хасли ца жинсла ахенси, яра ца мерлабад ахенси, яра ца

адамлизибад ахенси ахесехънила, яра бицхелибцахънила шартли. Масала ца виклар: ишти 100 азир къуруш арцла дузахъен, хайри нушала ургаб байхъала-байхъала бирехе, амма исуси мас пулан адамлизибад, пулан мерличибад, пулан жинсла ахенси исмайсид, яра мабирцид, илхелира къираз бетхерар, сенахенну ца-цахелли ихти хасдарибтазибад мас асес хайри агарли уббухъес асубиран.

3. Бикибси хайри клилалра ургабцун хебутлиги гурра цархилличира бутни. Масала ца виклар: бикибси хайри нушала ургабра, иш пулан адамлисра буртлутира, ил асухебирар. Масла вегли, мас бедлугухели мас бузахъусилис, хянчизар яра сунела лагъ ведили виалли, итхели вирар виклес баклибси хайрила пай итисра буртлутира или. Итис бедибсира сунела хянчила багъа бетарар.


4. Мас бедлугусини, шартли кабихъни сайра варх узни, яра сунела адам узни. Масала ца виклар: ишти арц дузахъен амма нура (яра дила хянчизар, яра лагъ) хечил варх узус вархкъянаван, илхелира къираз бетхерар. Мас бузахъусилис кумекчи виубли узали, масала итини бара ибси бирули, илхели сегъуналра зарал агара, амма бирцу-исусилизиб гъай бузуси вархкъяна ветаслин шартличил къираз бетхерар.

5. Масла вегли ихтияр барибси ахенси ахесес, я бицхелибисес. Ил шартли асухебирар, сенахенну гяхси хайрила мер биэс асубиран, масла вегли биалли варгес хейрули бирар.

Марлира Аллагъ ﷻ багъандан хярамси ризкъ батурсилис, суненира хебалугли ит ризкъ Аллагъли ﷻ хялалси шайчибад лугуси саби, хялалси ризкълизибра Аллагъли ﷻ баракат кабихъисси саби. Хялалси вачар бузахъусира, вягдара бихусира ит Аллагъла ﷻ гъуйчивси адам сай.

фикир тув

Шел секлал, чула кери хяжлайчи абиркуси!



Хяжлайчи кери абиркуси саб или ибхели, бахъли иргъу их баралли хяжлизира хявкъи гямам бируси саб или. Ил халаси хатга саби, ихтани хяжла мер бурцуси ахен, амма Аллагъли ﷻ

ихти камти баркъудлуги ихцара дурхъадарили сари, ихти дарнилис хяж барибсилисгуна кери бедлугули, хяж биалли маслара, арадешлара ахъри лебси адамличибси чараагарси чебла саби.

1- Умуси къас.

Къиямала бархли адамлис сунела баркъудлуги делкунси клалли бедлуга. Илени илар хяжра, барибси мижитлара, бутлибси садакъалара кери бургу. Ил тамашавиубли Аллагъличи ﷻ дугъавилзан: «Я дила Аллагъ, нуни ишти хедарирагу, ишти сен делкунти иша?». Аллагъли ﷻ илизи иру, Нуни баласра хлуни илди хедарни, амма хела умуси, Ну багъанданси къас лебри, хела ахъри биалри хяж барес, мижитуги дирес, мискинтас кумеквиклес, илдас садакъа

бедлугес. Нунира хлед илди дарибтиван делкунра, илди дарибтала керира лугуллира.

2- Джамагъатла дехлбайчи укъес гъалар хъулир дазала дарни.

Идбаг ﷻ виклули сай: «Хъулир дарили дазалара джамагъатла дехлбайчи чи укъяллира итис хяж барибсигуна кери биур».

3- Суннатла дехлбала.

Идбаг ﷻ виклули сай: «Чи савлила дехлбайчи мижитла укъяллира, дехлбала дарили глерги бархли ахъбиайчи зикурта виркъули калалли итис хяж барибсигуна кери биур, гур клел ракагъатла суннатла дехлбала дараллира итис глумра барибсилагуна кери лукла».

4- Пилму касес яра цархилтази

багъахъес мижитла вякъни.

Идбаг ﷻ виклар: «Пилму касес, яра цархилтази пилму багъахъес мижитла вякъунсилис, хяж барибсилисгуна кери лукла».

5- Бегитала разидеш.

Идбагла ﷻ ца асхляб Идбагличи ﷻ ваклили виклар: «Я Аллагъла Расул, наб Аллагъла ﷻ гъуйчив узес дигуллира, амма вирули ахенра».

Идбагли ﷻ илизи хъарбаиб илала бегитли лебал.

Илини иб, неш лер или.

Илхели Идбаг ﷻ виклар: «Секъяйдали вирадлара ил разирикахъес къайгъи бара, бирес вирусигуна къулукукъ бара илис. Марлира хлед хяж барибсилисгуна кери лукла».

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Мухаммад ДАВУДОВ

Главный редактор
Азиз МИЧИГИШЕВ
Редактор
Асхаб ДЖАРБАЕВ
Канонический редактор
Мухаммад ДАВУДОВ

Корректор
Асхаб ДЖАРБАЕВ

Дизайн, вёрстка
Мухаммад МУСАЕВ
Иса ОМАРОВ

Менеджер
Абдусабир АХМЕДОВ

Газета зарегистрирована
Федеральной службой по надзору
в сфере связи, инжурационных
технологий и массовых
коммуникаций.

Свидетельство о регистрации ПИ № ФС
77-42079 от 24 сентября 2010 г.

При перепечатке ссылка обязательна.

Набрано и сверстано на компьютерной
базе газеты «Ас-Салам».
Отпечатано в ООО «Дом печати»
по адресу: пр-т Акушинского, 20.

Заказ _____

Сдано в печать 1 марта 2016 г.
в 20:00

Тираж 2 950 экз.

Адрес редакции
367015, РД, г. Махачкала,
ул. Аскерханова 13а.

Телефоны:
Редакция: (8722) 51-85-22.
Подписка и доставка по г. Махачкале: 914-222.
по Республике Дагестан: 8-988-699-28-24.

e-mail: assalamweb@gmail.com;
www.assalam.ru

Космослизиб баргибси се шагаър сабира?!!!

1 « Телескоп «Хаббл»-ли дедибти суратуни абхъли гьегъи, илдачиб якъинли, умули халаси, цѳуба, нурли алкунси, галактилазиб башуси шагаър дакѳубиуб. НАСА-ла хѳанчизартни бажардиХебикиб лебил халкълиси абхъибси, телескопла веб-сервис (интернетлизибад чис дигара гьаргси связь) заманаличиб бишахъес. Илкъяйдали, дебали дигѳандарибти суратунира, хабуртира, ца чумал минутлис лебил хѳербикантас гьаргдиуб.

Гьаланачи ил суратличибси ца камси, дирихъла клантѳ сабри. Амма Флоридала университетла профессор Кен Уилсонли ил клантѳ гѳяХил чебаэс пикрибарили, някъла лупализивад хѳеризурХелели, ил клантѳла декларси цалабик лебни чебаиб, илра сегьуналра баянтала дазурбази кабурхули ахѳенри. Пур къалабали къантѳла совещание барили, профессор Кен Уилсонли чебаибси клантѳ, телескопла лебси бегѳлара халаси разрешениеличибли сагали каса хъесла хѳукму бариб. Космический телескопла халати линзаби, дунъяла бегѳлара гѳеркъаси гѳянзилабси сурат касахъес дяхѳидизур.

Ит баягъила дирихъла клантѳла, гѳяшикъбиубти профессоргала гьалаб, телескоп бузахъуси лабораториялабси, халаси экрайчиб, халаси нурлар шагаърли дакѳубиуб.

Халаси цалабик, космосла дазурбачиб, дахъал миллиардунала километруначи тѳинтѳбиубси, дунъяла


ахѳенси нурли ухулири. Шагаър лебталара пикри хѳясибли Аллагъла гѳярш (трон) лебси шагаърлизи халбариб. НАСА-ла хѳанчизартни буриб ил шагаър нушаб лайкъливан адамта биѳѳили биэс хѳебирар, илар бекѳибтала рухѳани диэс асудирар.

Шагаърла халадешли тамашавирахъули сай. Нушани далуги закѳла секѳлумазирад цалра агара илала мякълара гьамбиэс бируси. Нушала дунъя ил шагаърдичи касибХелели, гьунила дубларти хьасаличиб халали ахѳен.

Чина башулира – яра башулира ил халаси шагаър чиналра? Хаббл-ли касахъибти суратуначи хѳерикѳХелели ашкарбирули саби, галактикаби дашули сари ил шагаър лебси мерличирад декларти шалубачи. Декларти гьайли буралли, лерил галактикаби, илдала къяйлизиб нушала дунъяра, лерил ил шагаърла алав алавдикули сари. Аллагъла гѳяршла шагаър ибси у, гьатѳиралра имѳѳали лайкъбирули саби ил шагаърличи.

Редакцияла шайзибадди:

Марлира кабикибси анѳѳубук тамашала саби. Ил-



цад тамашала секѳал гѳякълула дазурбазира кабурхули ахѳен. Амма ил шагаърлиси илгъуна у лайкъбирес асубируси ахѳен. Сенахѳенну Аллагъ ﷻ я мерлизиб, я заманализив хѳяжатвикибси ахѳен. Лерил меранира, замунтира, лерил нушара Сунечи ﷻ хѳяжаттира.

ѳикир тув

Виштѳасили бекѳ хѳяршбирни – тухтуртала хѳисаб сабира, Мухѳяммадла ﷺ суннат сабира?

Нушала Идбагличи ﷺ ца адам вакѳили урѳила къасаватдешличи (черствость, урѳи бяргѳни) гайѳѳухъун, Идбагли ﷺ илизи хъарбариб ятим виштѳаси вахи илала бекѳ хѳяршбарахъес. Пурра Идбагли ﷺ бурусири, хѳушала урѳи клантѳбарес дигусини ятимти бахаб, илдала букѳрира хѳяршдираб или. Идбаг ﷺ Мадинала шагаъралзивад урѳиличи мурдали аркъХелели, илини ца виштѳаси дурХѳа чеваиб, Идбагли ﷺ сунела асХѳябтази хъарбарили, ит виштѳаси сунечи ахъуцахъиб. Идбагли ﷺ виштѳаси сунела урѳиличи сунес гьала каватур ва илала бекѳ хѳяршбариб. Пурра декларси хабарлизиб бурули саби, Идбаг ﷺ шагаърлизивад аркъХѳелели илаб хѳязтабиркъули биштѳати лебри, илдазивадли ца декларли тѳашизурли висуллири. Идбаг ﷺ иличи гьамвиубли, сен висусил ва сунела бархкъянабачил сен хѳязтахѳеркъусил хъарбаиб. Виштѳасини буриб сай ятим сайни, ва ил багъандан бархкъянаби сунечил хѳязтабиркъес дигули ахѳен. ИлХѳелели Идбагли ﷺ илала бекѳ хѳяршбарили втиклар: «Хѳед дигахъадив хѳела дудеш Аллагъла Расул ветаурли?». Виштѳаси разивиубли гьай дурабулхъули ахѳенри, бисани диѳѳибти хѳулбира сайра ил бархкъянабачил хѳязтабиркъес вякъун, дила дудеш Аллагъла Расул сай или вявикѳули.

Идбагли ﷺ дебали хъарбирусири биштѳатас къулукъ бирахъес, биштѳати хѳяршбарахъес, илди къаѳѳли балхахъес, хаслира ятимти. Бекѳ хѳяршбирнилизиб биалли се хѳикмат лебара, дазала дируси адамлира сунела бекѳ хѳяршбарес чебла бетаурли саби, нушала мазгьаблизиб ца гьез хѳяршбараллира биур, Хѳянафи мазгьаблизиб биалли лебил гьалала бекѳ хѳяршбарни чебла саби.

гѳярусла делчунти-профессортани, чула хѳисабти дирули, цагъунабси зоопаркларти диштѳати маймунти



чула нешхъалачирад декларадариб, цадеХѳ маймунти диалли нешхъалира диштѳатира дарх датур. Гьарти маймунтасра илдасра ца къулукъ сабри бируси, гьарти биалли, чѳянкѳли нешхъалира диштѳатира дархдикес дирули ахѳенри, илдала ургаб мехѳла решетка лебри. Ил хѳисаб ца дуслис къадарбарибсири, амма чумал баз дикѳХелели, нешхъала къулукъличирад декларадарибти маймунти изес дехѳдихъиб, ва нешхъалачил дарх датуртачир чула бурсидирнилизир дебали гѳеладухъун. Пур илди маймунти нешхъалачил цаладяхъиб, ва илдира камси заманала духѳнар излузирад арадиуб, бурсидирнилизирра декларадарибти гѳердиэс дехѳдихъиб, амма сенилра камси ургала калун.

Фашистунала дургъбала замана, СССР-лизиб бегѳти агарли калунти биштѳатас интернат аѳахъубсири. Илабти лебил биштѳати цагъуна сабри, лебтала бегѳти дургъбазиб кабушилилири, яра ясирли буцилири. Интернатлабти биштѳати деклар-декларти излумани изуллири, мурт ила ухѳнаухъаллира, биштѳатала чѳярла тѳама сабри бикъуси. Амма

халаси тамашалис, интернатла алгъай шайчиб изути биштѳати камлири, интернатла ухѳнаухъунХелели ил шали дебали декларабулхъуллири, гѳурси интернатлаб биштѳатала чѳярла тѳама сабри мурталра, илаб биалли бисути рахли ахѳи аги. Интернат ахтардибарес комиссия бакѳиб, илдани лерил ахтардидариб амма алгъай шайчибра, гѳурси интернатлабра сегьуналра деклардеш хѳебарчиб, ца беркеси сабри, цабехѳ бузанти сабри, цадеХѳ дармунти сарри, ца къулукъ сабри. Пур илди гѳурра ахтардибикѳес бехѳибХѳелели илдани баргиб, алгъай шайчир ца хъунул адам рузуллири, илра сунела дурХѳни дѳявтазиб бекѳли багъандан, интернатла рузес раѳѳиллири. Илис биштѳати дебали дигуллири, ва гьарил виштѳасила, гьар барХѳи бекѳ хѳяршбируллири, иличибли илдала нешхъалачибси карѳѳи камбахъес. Комиссия сегьуналра васвасала агарли къабулбикиб, алгъай шайчибси паргъатдеш их сабабли сабни бетаурси.

Дазала дируси адамли, гьар даязйиб лебил бекѳ шинѳлати някъбани хѳяршбарни суннат саби, Идбагли ﷺ чебаахъибси гьуни саби.

Бекѳ - адамла бегѳлара чебяхѳиси бирѳан, бекѳлизиб цалабиркуси саби адамла къаркъа лебилра нервалала система. Бекѳла мехѳелизир дутѳили, адамла къаркъа гьарбаркъудилис хасси мер лебси саб. Илдазибадди цалра букѳбуалли адамла лебил къаркъа гьаб-гѳегъидеш белхъан. Адам вашес хѳейран вирар, яра бирѳантѳи хѳедузан дирар, яра чехѳебиан вирар, илдигъуна дахъал анѳѳубукъуни кадирукур. Илбагъандан адамла бекѳ дебали мяХѳкамли бихѳес гѳягѳниси бирѳан саби. Тухтуртани бурни хѳясибли, испичкала пѳячка чегаллира бекѳлизи, илинира асараХѳебарили кавлуси ахѳен, хѳебиалли ихѳадра зягѳипсира буили саби.

Тухтуртани кабизахъни хѳясибли бекѳлизирадди къаркъайзир лерти дахъал излуми арадарес вируси сай, бекѳла массажа гьаннала заманализиб дебали тѳинтѳбиубси, дебали хѳяжатси секѳал саби. Бекѳис массаж дирни бегѳлара гѳяХѳси сабаб саби бекѳла гьез кахѳедиркнилис, гѳяХѳти, ара-сагъти дашнилис, пискурт агнилис. Бекѳла массажи манкъавти сагъдиру, хѳе сирдикѳни гѳяХѳѳиру, имѳѳабиру, бекѳла пагъму имѳѳабиру, къакъла чѳалала излуми кунѳдиру. Вамсурси адамла бамсри аркъяхъу, жагаси гьанѳѳи лябкъяхъу, къаркъала сагабиру. Виштѳаси адамла бекѳ хѳяршбирули, массаж диралли илал психика гѳяХѳѳиру, гѳясиХѳейклар, чѳярикѳули висХѳейсар, паргъатли вирар. Бекѳла масса дахъал излумас сабабдирни ишбарХѳила тухтурдешли кабизахъурли саби, ил бутѳаличира халаси къулукъ бяхѳѳибирули саби.

Бусурман адамлис биалли гьар заманализив, гьар гьигълизив Аллагълиси ﷻ шукрувикѳес чебла саби. Тухтуртани ишбарХѳи гьаргдарили, хабарла детаруги анѳѳубукъуни нушала Идбагли ﷺ азирти дусми гьалар нушази чедаахъили сари.

«Чумиздаг лебси хъули гаша хіякъян»

Сунезиб халаси глюкозара, фруктозара (26-55%) лерни багъандан чумиздагли къалабали гушдеш ихъахъу, ва къаркъалара, гякълура сагадарили, цакъ лябкъяхъу.

Чумиздаглизиб ихъад пайда лебкъи-ра коллорийти камти сари, илбагъандан илди муридешла мелар дукалли адамла келуби имцахедирар.

Гъанала тухтурдешли, чумиздагунала дарула шалуби руркъули гурра дахъал сагати, дебали пайдалати шалуби гъаргдариб.

Илдазирадли сари:

- Чумиздагуни вайси амеба арабарни-лис сабабдирули сари.

- Чумиздагунани адамла къаркъайзир лерти, зарал барестигъуна микробуни дубкъахъути сари.

- Чумиздагуни – космонавтунас чара-гарси беркала саби, илдира баликъла икраличир чуйналира пайдалати сари.

- Чумиздагуназиб бархбас лебси саби, илини хъунул адамла маткала мышцаби къангидиру, ва виштгаси алкъухели хъунул адамлис дебали къи-янли хебирар, виштгасира къалабали алкъан.

Чумиздаг беркалара бетарар, берже-силера бирар, муридешлира бирар, дарманлира бетарар.



Чумиздаг букни маслигъатли бирар ишти мераначиб:

- БекI бамсурли, пагъму камбиубхели. Берубси чумиздагли бекIла мехе дуз-ни 20% имцабиру.

- Физический хянчи барили вамсур-си адамлис гяхси саб, сецад вамсурси адам виаллира, чумиздагуни дерки байхъала сягъатла гергъи иличи цакъ чарбулхъан.

- Адам гъиговикъути гъундурада излу-ми арадарнилис сабабдиар.

- Желудокла язвала, ракла, кишеч-никла излумас дарули бетарар.

- Мурул адамла мани (семя, сперма) имцадирахъу.

- Импотенция арабиру.

- Сунезив виштгаси левси яра виштгаси акъубси хъунул адамлис дебали гяхти сари. Делчунтала хисабли чебиахъули саби, чумиз-даглизибси бархбасли виштгаси акъес замана баибси хъунул адамла маткала мышцаби чумадири, мат-кала мышцаби чумадири гъамад-ли виштгаси акъахънила дурабад, виштгаси акъубли гергъи хе дашути бархни камдиру.

- Хъунул адамла виштгаси заяхейрахъу.

- Капилартала шалуби чумадиру.

- Хулбала шала имцабиру, хулби жявли хедумсахъу.

- Виштгаси ниъли валхуси хъунул адамлис чарагарли хяжатси цедеш саби чумиздаг, илдани ниъ имцадиру, ниълизир лерти, виштгасилис пай-даладирути, виштгаси излумазирад умувирути, къардиллис, пагъмулис сабабдирути витаминти имцадиру. Илбагъандан диетолог-тухтургани ка-нилав виштгаси левси, виштгаси ниъли валхути хъунул адамтас маслигъат диру.

- Давлениела излумас, биштгатала пагъму камли, яра психический балхлебикни лебли биалли, ихтас да-рули бирар.

Гъанна аргъира нушанира сен Идба-ли ﷺ нушаб чумиздагуни ихъад гяхил дурутирил. Марлира хябра жагаси дин леб нушала, хябра жагаси Идбаг лев нушала. Дахъал арцани харждари-ли, дахъал цакъани харждарили, дус-мадли дирути хисабгачил ишбархли делчунти-профессортани халкълис ихтигъуна пайдурти ишбархли гъар-дирули сари, нушаб биалли нушала Идбагли ﷺ азирти дусми гъаларал гъаргдарили датур. Хябра гъарбизурти адамти детаурли лерра нуша!!!

Нуни «Ихъяъ» хлебалчасри, ну гъалаквираси!



Дила гямурузиб анцбукъ кабикибири. Ну жагъти гямурузив вирухелли, ит замана-лизиб гилмуни бучути адамти бахъал хебири, бучутира халкъли деба-ли чебяхъирули, дур-хъабирули, ахъбурцу-тири. Ца илгъуна набра бетарусири. Ну гилмуни учули, нуни халати кун-ги, «Игланат», «Фатхулъ муглин», «Джалалйни» делчунхели наб гъан-биркусири ну гъанна ха-ласи адам сайрану, наб имцакъ къианти, халати секлачи шурухъес зама-на баили саби. Наб гъан-биркусири наб гъанна «Махлалли» яра «Джамгу джавамигъ» белчес гягъниси саб или. Илди пикрумачил ну дила устазличи вакъира, или-зира ира: «Нуни джалулти

делчира, гъанна биал-ли се белчеша?». Нуни дила суал таманбарили бекхейгубли левалли, устазли набзи иб «Ихъяъ» белчен или. Устаз набзи виқар: «Ху мижитлав къадини яра будунли узе-сигъуна адам ахленри, хуни ихъяъ белчен». Илкъяйдали ну чарухъи, устазли хъарбарибси жуз белчес вехихъира, нуни делчунра ихъяуни. Марлира нуни урки уркилабад бурул-лира, нуни ихъяъ хлебалчасри ну гъалак-вираси. Нуни фатхулъ муглин белчунхели наб гъанбиркусири ну хала-гялим сайра или, нуни ихъяъ белчунхелли би-алли наб гъанбиркусири набчив увяхъира, дара-жалзив удивсира чилра левара или. Гъатли дила

набчи пахру хлебакъиб. Гъатли се гягънисив ну-шаб гилмулизиад, гилмула къас вегъла нафс багъни сабгу, вегъла нафс багъурсини Аллагъ ﷻ вала ибси лебгу. Ихъяълира адамлизи сунела нафс ба-лахъули саби, сай че саял балахъули саби, гъатли се гягънисив ихъизиад-ли. Имам гъазалини бу-русии, лебил дунъяла гялимти цалабикаллира тарикъатлизиб гяхси силра хебургу или, гурра Имам Гъазалини имцабариб, лебил дунъ-яла делчунти цалаби-каллири, тарикъатлизиб силра барсбарили, леб-силчиб гяхлибахъес хебири. Нушаб нуша-ла имамтира леб, ил-дани делчунти жузира лер, нушаб гъатли силра гягънили ахлен.

Имам Абуль Хясан Шазалила цадехI караматуначила

Шейх Абуль Аббас аль-Мурсини буриб, ца заманализив шейх Абуль-Хясан Шазалини дунъялизиб зугъд (Ал-лагъ ﷻ багъандан дунъ-яла мас-давла батни) буцниличила вягъза би-рулри или. Ил мажлисличив ца мискинси адама лев-ри, иличир дуркъа, гъардердибти палтар сарри. Шейхличир би-алли жагати, дурхъати палтар лерри. Мискин ухънани сунези сунени иб: «Дунъялизиб зугъд буцниличила вягъза секъяйда бирусив их-ни сунечир ихъад жа-гати палтар лерхели. Хебиалли ну сунечив-ра дебали загъидли уиллирагу». Илхели шейх гяхил илала хулбазли херизурли гур виқар: «Хела палтар хяжатбикитгала сари, илди жидикъули сари: ну мискинсира, наб себиал-ра бихая или. Дила пал-тар биалли, хяжат агни чебиахъути палтар сари, илди жидикъули сари: ну селизивалра хяжатли ахленра, наб силра малу-гадая!». Илхели мискин ухъна тамашвиубли айзурли шейхла някъ-бачи байвикун. Шейх Шазалини хъарбариб ит ухънасла гяхти пал-тар хахъес, ил ухънази-ра сай даимвахъес ца

гяхлиси шейх чеваахъиб су-ца Дахлан бикъуси, Ал-лагълизи ﷻ итис балгара бариб. «Аль-Мафахир бикъуси жуз-лизиб» - буру-ли саби, шейх Абуль Хясан Ш а з а л и н и м и ж и т л а б - си ца сунела дарсличив иб: «Дила халаду-деш Аллагъла Расулли их их буриб». Дарс-личи лехихъантазив ца дурхъаси Аллагъла вали леври. Илисра гъанбикиб: «Чинава шейх чинава илала халадудеш?!» Мажлис таманбиубли гергъи ит вали гъанклизив викиб ва муэрлизив Идбаг ﷻ чеваиб ва су-нези Идбаг ﷻ виқар: «Я пулан! Абуль Хясан Шазалини мурт алли-ра «Дила халадудешли иб» - или, итхели ихти Нуни дурибти гъай сари». Гур ил шейхли-чил къаршивикибхели илизи шейхли иб: «Ху вирххлеурригу хела лихлбани бакъайчил». Абуль Аббас аль-Мурсни бурулири сунени муэр-лизив чебаибсилчила: «Нуни Аллагъла ﷻ цар-



ство алавбирули леври ва нуни шейх Абу Мадъ-ян аль-Гъавс чеваира, ил, гяршла къяшичив чапхухъи леври. Нуни илизи хъарбаира: «Хела се даража леба ва хела се багъуди леба?» Илини набзи иб: «Дила даража-ла хекълизиб бурасли ну будалаунала (хаста, Аллагъличи ﷻ гъамби-убти лугъри) халалгъу-на сайра, дила гилму-багъудиличила бурасли илди 71 гилму лер». Гур нуни илизи хъар-баира: «Я дила сайгид, дила шейх Абуль Хясан Шазалила хекълизив ху сейкълуда?» Ил наб-зи виқар: «Ил набчив авцали гилмула чеди-ухъи сай, ил гилмула урхъу сай, сабира лебил алавбарес хейруси».

Исламлизиб шахматунала, шашкабала, картабала, нардыбала хяз бирес асубирусив?

Силра бурес гъалаб чевяхъси Аллагълис ﷺ шукру барес дигуллира лебил Сунела махлукули бируцад, Сунела дурхъаси Хязиб, Мустафа, Мухаммадличира ﷺ, сунела агълуличира, сунела асхябтачира салат-салам дархъес дигуллира сунечи салат-салам дурхъуатни дурхъуцад.

Илдала гьегъира дурхъаси Аллагъла ﷺ уличивли вехъихъили иш суаллис жаваб чарбатес дигуллира. Шахматуни, шашкаби, картаби, нардыби диаб гьурти илдала лугъилизи кадурхути хузри диаб, илдазир ишти лишанти диалли илди хиярамли дигъиличи чилалра къаршидеш агара:

- Илдазир чедивикибсилес пешкеш барес каби-хъибси багъа лебли биалли, арцла биаб, декларси биаб. Илхели илди хузри «азартный» детарар, илдигъуна хузри Аллагъли ﷺ Къуръайзир хиярамдарили сари.

- Аллагъли ﷺ чердарибти фаризаби, яра дарес дурхъали детарти сунатуни кавлули диалли, илдала замана хязтавиркьули гьелайзи арбухничлиби, илхелира илди хиярамти ахъен викуси агара.

- Вегъла хъалибаргилс декларабареси замана илда хязтавиркьули буркьули биалли, иличибли хъалибаргъла бяркъ, илдала яшав ва цархил зягипбиркули биаллира лебил гьалимтала пикири цабиубли илди хиярамли дигъни кабилзахъули саби.

- Илдазир къяна-шилтахъ биубли, хязтабиркьантала урgab сегъуналра жал акъес асубирули биалли.

Ишти шуртгъи агарли диалли хиябалра имамла мазгъаблиз илди хузри сенилра хиярамдирули сари, авъси имам Шафигъила мазгъаблизир диалли къадагъадируги гьалимтира леб, асудирахъути гьалимтира леб.

«Мугъни аль мухътадж» - бикъуси, Имам Шафигъила мазгъаблайзи халбируси жузлизиб бурни хиясибли, шахматунани ва шашкабани бекъ

гъахил пикирибкьахъуси саби, илди хузрачлиб гьаскарла бекъдешлизивси бурсивиес вирар секъйадали гьаскар гъашбатнили имцъаси хайри лугал, душмайчилси дергълизиб.

Гурра бурули саби имам Шагъибий шахматунани хязтавиркьули кални.

Амма сенилра мурталра хязтавиркьни гьеббурцуси агара. Ихтигъуна гьузрубас хязтавиркьни ихтияр бедлугули саби чумали кабирурси, илди хиярамдируси я Къуръа аят агара, я Идбагла ﷺ хядис агара или.

Идбагла ﷺ хядисра: «Нардыбала хяз бируси Аллагъли ﷺ лягъувараб, илдачи херикъусира цурала хелизив вяшикъусигъуна вирар» ибси, зягипси, аслу агарси хядислизи халбирули саби.

Илди хузри хиярамдирутани биалли ил хядис чумасилизи халбирули саби, зягипсилези халбиранти цабехъти гьалимтира ил хядис биъни баахъили, шаксилезибад (сомнительное) дурабухъес илди хузри асудирахъули ахъен.

Гъали ибн Аби Талиб ﷺ ца заманализив аркьухъели илини шахматунала хяз биранти чебаиб, илдазира викилар: «Се хяз сабу хуша илцадра чедизурси».

Ил анцъубъ имцъалинти гьалимтани, хиятта хиябалра мазгъабла имамли чуматази, аслучертази халдирули сари, илала суалра, илди хязтабиркьни къабулхъебкьичли архули саби.

Цабехъти гьалимтани биалли аслу агартази халдирули сари, ва аслучерти диаллира, Гъали асхябла суаллизибад хиярам иргъули ахъен, или сунени хебалуси се хяз лебал баян дигули хъарбаили виъниличи архули сари.



Лерил ишар дурибтала хиясил – илди хузразир, гъалар дурибти шуртгъи лерли диалли лебил гьалимтала пири цабиубли хиярамли сари, илди шуртгъи хедиалли къадагъали сари, хязлизибад бяхъичибзурси пайда лебли биалли масала дьвтазиб, яра гурра илгъуна мерлаб гьагънибикеси, асудира.

Ишбархъила гьамрулизиб телефонтанера, планшетунанера халаси мер бурцули саби. Шахматунира, шашкабира, картабира, нардыбира гурра дахъал деклар-декларти хузрира илдала духънар лер. Илдазир ахъенси хяз бирусира агара. Сегъуналра бехъсурдеш агарли иш хукму илдазир лерти лерил хузрачи гъантгъиар.

Аллагъли ﷺ нушаб гьибси замана дебали дурхъаси нигъмат саби, сабира арбъакъунси гъатли чарбарес хейрусси. Гъар заяли беркьибси замана нушаб пашмандешличи шурбулхъуси саби, амма гур пашманвиубли хъалли силра барсбарес хейрар.

фикир тув

Аллагъли ﷺ хъери дузахъес, дуги дусахъес гьибти сари!

Хъатгъила дехъбала дарили гьегъи усес калхъахъес, ва шала шикъдурхъунхъели жявли алзахъес, бусурмантас суннатлизи халбируси саби. Гъанна биалли, бахъал адамти дайдуги баили гьегъира, телевизорличи хъербикъули саби ва, гъанк ахъили балкхъерули биъни багъандан, хъери баайчи бусули саби.

Сен дугели усес гьагънисив?

Хъерила шалали, адамла гьамрулизиб халаси мер бурцуси буили саби. Адамла биологияла шайчбси сягъат ил шалаличил бархъаси бузуси буили саби. Адам дугели усхъесали, яра узули калали, ил сягъатла бузнила даража нукъсанбиркули саби. Адамла биологияла сягъат дурусли бузни уржили, ва дурусли бузуси оркестрличил цугбуцес вирар. Къаркъа биркьантира, ил сягъат хъасибли сари дузути. Шалаличил дархъасунти сари, деклар-декларти биркьантир къаркъайс хъажатти секъли алкънира. Масала мелатонин биркьантазиб алкъуси берхъи гьелабиркухъели саби, ва ил алкъес дугели сягъат хъабал дикайчи даимбирули саби. Имунитет (излумачи къаршидеш дирес къаркъа биркьантала устадеш) биологияла сягъат дурусли бузнилизибад дигахъуси саби. Биолог Самир Хаттар дурадеркибти хъалумцълабани чебаахъиб, адамла хъулбала сетчаткализибси

мелатонинни шала супбируси биъни, ва илкъайда биологияла сягъат бузесиуси биъни.

Амма дугели хъебусути адмтани, ил шайчб кабирурли лебси низам къаркъили булъули саби, ва чула арадешлис зарал бирули саби. Технологияла шайчбси революциялира адамла биркьантаци, ва биологияла сягъат бузничли гьагъмагарси асар бирули буили саби. Бузери даимбарес багъандан, адмти искусственный шала пайдалабирули сай. Нушани хъумуртулра цъаббиубмад, нушала биркьантазиб мелатонин алкъес бехъбирхъуси биъниличила. Хъелизибси мелатонинна даражализирад дигахъути дахъал секъал лерти сари. Электростанциябазиб бузути хъанчизартала, хъелизиб илала даража дебали гъаши сабли убулхъули саби, электромагнитла рамчанани асарбирули биъни багъандан. Камси шалаличилти хъулразиб бузутала хъилизибра, мелатонинна даража хъажатсилчиб гьахъадла камли сабли убулхъули саби.

1995 ибил дуслизиб США-лизибси, гъанкъла миллатла ассоциацияли кабизахъур, халати гьамрула америкалантазибад имцъатигъунти гъанкъличил дархъасунти зугъумазиб биркули биъни. Иличибли илдала гъанк бумцъули саби. Къанси замана, кепирахъути держ пайдаладирнили

гъанкъличли гьагъмагарси асар бирули буили саби. Усес гъалав, узесра асубирули буили ахъен. Искусственный шалалира мелатонинничи декъси асар бирули буили саби. Химияла дармунти пайдаладирнилира, ил шайчб гьагъмагарси асар бирули саби. Дугели гъанк хъейхънили, ва искусственный шалалиув имцъали вирнили, адам жявли ухънавиахъули уили сай, умсахъули сай, цархилти далагардешуначи вяхъигахъули сай. Мелатонин лебти дармунти маслигъатдирути сари, жявли умсни багъарбулхъес, хъагъарирес вехъихъибхъели. Америкализиб ва Канадализиб мелатонин наркотикунала секъайзи халбирули саби. Ил багъандан саби рецептуни хъасибли ахъенси бирцахъесра къадагъабируси.

Адамлизибси биологияла сягъат бузахъес, хаслира гьахъси асар бирули саби, дугели лайкъси къадарлизиб гъанк ихънили. Дугели бамси ихъни, адамла гъабигъатли гъалабдируси шартгъи саби.

Нушала Идбагла ﷺ хъатгъила дехъбала дарили гьегъи, дирути ихтилатуни булан зараллатази халдирусири.



Илдигъунти ихтилатуни пайда хъехутази дуйгъусири. Дугила дехъбала дарили гьегъи, бегълара гьахъси усес кайхъни саби или бурусси илини. Бухарини, Муслимли ва цархилти хъадисуни руркънлизиб, бузанти бурни хъасибли, Идбагла ﷺ хъатгъила дехъбала дарайчи, усес калхъахъес маслигъатбируси ахъенри, илди дехъбала дарили гьегъи, ихтилатуни духъандилтгъахънира заралласилизи халбирусири. Дурхъаси Къуръайзибра чуйнара тикрарбирули саби, хъерила сягъатунти бузерилис пайдаладирес хъажатси саби или, дугелила биалли - усес ва бамсриихъес.

«Ил - сай хушаб дуги дусесли, гъанк - бамсри ихъесли, бархъи - жигарчерли диэсли дарибси (мягъна)» (ал-Фуркъан, 47).

Иблисличилси ихтилат

Сул: Адамтас хела шляпачила багъес дигули саби. Се шляпа саби ил?

Жаваб: Дила жагаси шляпачила заядирути дунъяла нигматуни, камси заманалис гъавализи виркахъути тлягъла секлал, ва мас-даввалис хербирутани мардирути иш дунъяла масани сари иргъахъути. Цацахъели адамти, нуни илдачил кадатурти тимклизиси биркули саби ва илдани ахиратличила хъумургули саби.

Сул: Хуни бихуси мургъили ва якъутуна жагабарисси вайлиубси се саби?

Жаваб: Ил дила киибил ярагъ саби. Илини саби дила къакъла чала уцахъуси. Нуни иш ири дин бузахъутачи къаршили пайдалабирулра, сенкун илди нуни шляпала уди дигъанбарисилчи хербилзули ахен, ва дила тимклизиси биркули ахен.

Сул: Хуни алгъай някълиси буцибси се занкъари саби?

Жаваб: Нуни дин бузахъути кел адам чинаб цаличил ца жалбиклули чебааслира, илди цаличи ца къаршили чебааслира, илхели иш занкъари бирар нуни вякъарбируси. Нуни ил зянкъарбухъахъасли, жалбиклути гъатира гъимити бетарар, цаличи ца лехъейхур, цаличи ца бехъилзан, цали итиллис уркъубяхъуни дурес бехъибирхур, илхели илдазиб лебсигъунара иман бетихур, уркъи таманни хегъдирар.

Сул: Ил се сетка саби хуни барх бихуси?

Жаваб: Рияъ саби. Нуни дарибти секлал цархилтазира чедаахъес, дукала дуцили дихулра. Динничиче кайзурси ва мурталра гъахътицун баркъудлуми дурадуркиси чейхъели, дила гъадатлати ярагъили илчи сегъуналра асар бирули ахен. Илхели нуни иш сетка пайдалабирули бирус. Нуни сетка чебушибмад, ил адамти Аллагъ багъандан дирути лерилра гъахъти баркъудлуми кыматагарти детарули сари. Дин бузахъутани дехъала дирули саби, дубурцули саби, закят буртлули саби, хъажли башули саби ва Аллагъла гъаларти лерилра чеблуми тамандирули саби. Илала гъергъи илди дила тимклизиси биркули саби, илдани чули дарибти гъахъидешуначила, адамтала ургар хабурти тинтдирули саби, гапбиклес бехъикабирхули саби. Дугели бусули калункъира, гъибадатлизир калунра биклули къумба бугъес бехъибирхули саби.

Илдани садакъалис арц лугули саби, ва гур дедира



или гапбиклули саби, чули процент булан сайсули биъни дигъанбирули саби. Илдани дарибти лерилра керила баркъудлуми, дила тимклизиси бикили гъергъи мягъниагарти, дацти гъайличи шурдлухъули сари.

Сул: Лерилра гъамру илдигъунти вайти секлал дирнилис харждирули хербирухъели, набзи хуни ца секлал гъатли бурили дигахъаси. Хела гъалмагъ леву?

Жаваб: Нуни дигъанали лехъибизурли лерилра юртаназир дурути иргъулра. Нуни 2 журала адамти гъахъти халбирулра. Лебилра илди дила бегълара гъахъти гъалмагъуни саби. Илала дурабад дила уркъили къабулхъебирутира лебти саби 15 журала адамти. Лебилра илди нуни цударли чебиис. Дила гъалмагъ мурталра Аллагъла душман вирар, Аллагъла гъалмагъ биалли - дила душман.

Сул: Хела душмантачила тинтливан бурагу?

Жаваб: Бурирагу, дила вецну шура журала душманти леб или. Хедра дигули гъергъи, илди чихъали сабилра бури:

1. Цаибил душман - Дурхъаси Мухаммад идбаг сай. Ил агарси виалри, дила вазипа ункъли гъунчибир-

кусири ва цалра душман кавлуси ахенри. Ил Аллагъли чебаахъибси бархъси гъуйчивад ва шули сай. Ил, иман чебти адамталара Аллагълара ургаб бархбас кабилзахъуси вегаурли сай.

2. Киибил душман - хъалал-залалли халкъилис гъуни чебаахъуси халаси хъаким сай. Сунела халкъилис духули гъуни чебаахъули сай. Мискин-пакъиртачи уркъеци бирули вирар илини.

3. Дила хъабъибил душман - мискин-пакъиртачила хъумхертуси, илдас кумек-икъала гъердахъуси, давлачевси адам сай. Ил сунечи деклар имцали витиклули хейрар.

4. Ил шаригъатли асубирахъуси журала баркъудилизи ахъибси адам сай.

5. Шуибил душман - Аллагълизивад урухъуси гъалим ва сунени цархилтас маслигътидирути секлал суненира дируси сай.

6. Дила урегибил душман - ил сай алавази гъахъисира вайсира, асубирусира асухъебирусира, хъалалсира хъарамсира далахъуси. Аллагъла гъуйчи кайзурси, ил адамти дила лебилра хъанчи булгули сай.

7. Дила верхъибил душман - къадагъадарибти секлал хедируси, къадагъадарибти секлайчи херхъейкиси адам сай, къадагъадарибти секлал хедукан-хедужан сай.

8. Гехъибил душман - ил дазала лерси ва палтар умули дихлуси адам сай.

9. Уркъемъибил дила душман - сахаватси уркъила веги ва Аллагъ багъандан харжиклуси адам сай.

10. Дила вецъибил душман - ил Аллагъ багъандан садакъа буртлуси адам сай.

11. Вецну цара ибил душман сай Къуръан бучлуси ва ил хъасибли херируси адам.

12. Вецну кира ибил душман - ил дай дуги айзурли Аллагълизи улгуси адам сай. Илизибадра ну дебали урухълули бирус.

13. Дила вецну хъабра ибил душман - ил закят, садакъа дутлес хъумхертуси адам сай.

14. Ил - шаригъатли асудирахъути журала палтар дихуси хъунул адам сари. Набкун чъанклули башутачи хербиклес дигахъис.

15. Вецну шура ибил душманра чи саял бури - ил Аллагълис суждабируси, Илала гъуйчивад чевхелкли вахуси адам сай. Илра цударли чейули бирус, амма илини дила къуйрухъ чуйнара бячун. Илизибад сабра ну бегълара урухълуси.

фикир гув

Ахир заманала лишанти – даклухъебиубсира лебсигъуна ахен

Азирлим авдарш дус гъалар Идбагли ﷺ гъалахили ахират гъамбикнила лишанти дурибтири. Ахират гъамбикниличила бурути дахъал лишанти лерти сари. Халати лишанти гъачамлис дагъардулхъес дехъидихъили ахен. Амма иличила бурути дахъал дигъанти лишанти хъасибдарес вирули сай.

Дигъанти лишанти:

1. Дагърила шайчирти цъабдеш имцадиклули сари, багъудлуми (динла шайчирти) камдиклули сари.
2. Цъабти адамти хъукуматлис бекдеш дирниличичи лябкъули саби, илди адамтас буйрухъбиклули саби.
3. Кепирахъути держ пайдаладирни имцабиклули саби.
4. Динла шайчирти къуллукъуни лайкъагарти адамтачи хъардирули сари.
5. Пялимти бунагъуни диранти бетарули саби, динничичи кабизурти адамти цъабдешлизиб саби.
6. Адамтани чула мурадуни сархес

къасличил цархилтала хурмат бирули саби.

7. Хъунрала асарлиу бикили, муйли чула бегътачи къаршили дурабулхъули саби.

8. Лайкъагарти адамтани жамигъатла бухънаб хурмат сархули саби.

9. Музыкали адамтала гъамрулизиб халаси мер бурцули саби, хъазла ваяхъли имцали пикри битиклули саби.

10. Дахъал дярхъаначилти, ахъти юртани лушули сари.

11. Сагаси наслули чус гъалабси наслу цъабсилиси халбирули саби.

12. Умутбихъести адамти камбиклули саби. "Пулан мерличиб гъахъти адамти теб" биклес бехъикабирхур.

13. Пулан адамлис "гъахъси сай" биклули хъалли, илизиб селра гъахъси баргес вирули ахен.

14. Адамти кабурушила, пунтбирнила, ва бижгурти анцбукъуни имцадиклули сари.

15. Мурул адамти архъа палтарличил башули саби.

16. Сунналичибад чебулклуси саби

ва динничибад тйидибилути, ил гъарацъибурути имцабиклули саби.

17. Даджалла шаликартани адамти бархъси гъуйчибад чебулкъаху.

18. Гъар мерличиб зурмукартира гуж-зулму дирантира имцабилули саби.

19. Бархъси буриси хелтанбирули саби.

20. Жагъилтани дахъал бунагъуни диру, хъунул адамти хъархердешлиубад уббулхъан.

21. Адамтала ургар диги камдирар.

22. Бунагъуни гапдирес бехъибирхур, дин бузахъни, цахси баркъудилизи халбиру.

23. Динна шайчирти къуллукъуначила хъумкарту.

24. Хъунул адамтани бекличир дахъал журабала кумби-къапни диху; илдачир палтар лерли диалра, чъанклули бирар; къаркъайчи челкути палтар диху.



25. Муйлас вершадеш дирути хъунул адамти бахъбиур, къехъадеш имцадирар.

26. Исламлизибад ца у цун кавлан, дурхъаси Къуръайзибадра ца чебъницун кавлан.

27. Адамти гъалимтачи лехъейхъути бетарар ва имцали цъабти адамтала асарлиу биркур.

Гъанна хъушани Идбагли 1400 дус гъалар гъандушибти лишанти ишбархъила гъамруличил цугдуца.

Аллагълизивад ﷺ урухкӀуси Аллагъли ﷻ вархъӀелта

Иш анцӀбукъ Дамасклизиб, 1947 дуслизиб бетаурсири. Таубала мижитала мадрасалар Пябдуллагъ СуютӀини дурси кадирхули вири, ил мижитла имамра сай сайри. Ил шейхла мутагӀялимтазив ца ятим дурхӀа вири, илра дебали мискинси вири, хӀятта цацахӀели чумилра бархӀи къацӀличи къацӀхӀейки кавлуги дири. Ца бархӀира илдебалигушвиуб, гушвигӀнилизивадра илис сай убкӀар или гӀанбикиб. ИлхӀели илис гӀанбикиб: «Наб секӀал бигӀяса ихтияр бургар, нуни секӀал хӀеберкасли ну убкӀусра!». Илра арякъун буркъа Дамаскла къакъати къакъурбазив беркесила кусукалра баргес хуулличил. ЦадехӀ хуулрала хъалчи ацӀили ил гӀяйни хӀеризур, илисра бизиси берка тӀем бакӀиб. ВахъӀи пикрихӀейкӀули ил гӀяйни тӀяхӀухъи, цӀаличиб руржуси шангла мякъла гӀамвиуб. Шангла чевхъла ахъбуцили хӀерикӀалли, илар лухъули, далкъкарули бизити баклажанти лер. Илени къалабали касили ца, иличи къацӀикун, илхӀелира сунечи гӀякълу чарбухъун: «Секъяйдали бетарусив ишкъяйда?! Ну шаригӀятла мутагӀялим сайра, вакӀили урхӀла хули, беркала билгӀулира, гашализивад вебкӀес гӀялаблигу иш хӀяйчи викесичиб!». ЛайбакӀили къацӀикунси баклажанра ил мижитла чарухъун. ЛацӀличи

хъарихъи, къагъвиеси хӀяйчи викибси ятим шейхла дурсрачи лехӀихъес кайъиб. Дарс таманбиубли гӀергъи лебил арбякъун, ятим биалли айзес ахъри агарли илав, лацӀличи хъарихъи кайъили калун. ИлхӀели илини чебаиб шейхличи паранжаличилси ца хунул адам гӀамриубли, илди дигӀянали селичила сабил гӀайбикӀес бехӀбихъиб. Шейхли алавчарли хӀеръили, ятим ахӀенси чилра чехӀеваили, иличи гӀамвиубли викӀар: «ХӀед мекъ барес дигули ахӀенрив?». ХӀилхӀи мицӀирси ятимли гӀяси тӀамаличил шейхлизи иб: «Я дила шейх, ну гашализивад убкӀуллирагу, наб чумилра бархӀи къацӀла кусукалра бикили ахӀен! Секъяда мекъ бирусрав нуни?» Шейх викӀар: «КъакъамайкӀуд! Ихини хӀу валхари, - или мижитла гӀянзилар тӀашси хунул адамличи ишара бариб. - Их давлачерси хунул адам сари, ихисра мурул гӀягӀнили сай. Ихала мурул вебкӀили, сунес халати хуулри датурли сари. Ил сарицун хӀеррирули сари, рарх рухъна нешла рузира лер. Иш шагӀарлизирра ил цайли сари, илисра сунна хӀясибли шери рукъяс дигули сари, бунагъкартала вайдешлизира рердеслин. ХӀу къабулливив?». Ятимли къабуллира или иб. ИлхӀели шейхли илис магӀарла масра бедиб, магӀарра дихъили цалабахъиб. Илдира мурулра



хунулраван хули чарбухъун. Хули бакӀибхӀели хулуй мура гӀалаб паранжа чебатур, ва гӀалар суратли релкӀунсиван жагаси хунул адам дакӀурухъун. Хулуй сунела мура шейхлара гӀайла бакӀиллири, ва илизи сай гушлил хъарбаиб. Мурул викӀар гушлира или. ИлхӀели хулуй делхъунти баклажантала шанг хиб, чевхъла ахъбуцибхӀели ца баклажанличи къацӀбикни чебаиб. Хунул тамашариубли, че къацӀикуннара

или тӀамадариб. ИлхӀели муруй гӀяшбуцили бекӀра бетаурси хабар буриб. Мура хабарла бакӀибхӀели хунул рикӀар: «СубхӀяналлагъ, Сай багъандан лайбакӀибси ца кусук багъандан хӀу Аллагъли ﷻ сецад дурхъаварилрил, жагаси хунулра гили, халати хуулрира гили». Аллагъ ﷻ Къуръайзив викӀули сай (мигӀна): «Аллагълизивад ﷻ че урухкӀаллира, Аллагъли итис гӀуни бедлуга».

Унрала хулир аркӀурти цӀа хӀела хуулрачи тӀяхӀдулхъути сари



Ца хъарахълар хӀердирулири къялра, гӀяргӀяра, вацара, чӀичӀалара. Илди халаси замана дарх хӀердирули калун, чула ургалара гӀяхӀил балбикиллири. Ца бархӀи, хъарахъла вегӀли ваца буцес нусира кабихъили тӀикъ кайхъиб. Вацани илди чедаибхӀели сунела юлдашунази тиладибухъун: «Ну буцахъес хъарахъла вегӀли тӀимкъ кадихъили сари, ну иха бикасли бубкӀусра, хӀебикесра хӀебирусра ихаб бизиси нусила кусук хеб, ца бархӀи хӀябукъясли ца бархӀи биргӀяйбуубли ит кусук касес арбякъи дила ахир бургисра. Хушаб биалли ихти тӀимкълизибад зарал агаранну, наб кумек барая». Дархкъянаби вацани дурибтачира лехӀбизурли илизи жаваб чарбатур: «Ихти тӀимкъ нушаб кади-хъибти ахӀен, нушабра ихти диргаладулхъули ахӀен, ихти хӀед кадихъибти сари, хӀедра саби ихтала зарал, хӀунира хӀела къайгъи бара нушала итира дарести

лер». Дархкъянабала жавабличичи ваца дебали марайбиуб, илдани илгъуна секӀал буру или гӀанрахӀебикиб сунес.

Ца бархӀилизиб вацала пукъала мякълабад аркъуси чӀичӀала, тӀимкъ лерниличира пикрихӀебухъи сунела къуйрукъличил илдачи гӀамбикун ва тӀимкъли къуйркъ къацӀбуциб, чӀичӀала биалли сунес изаурдешла цӀакъдешли гӀясибиубли къял изули кари-ибси хъарахъла вегӀла хулуйчи къацӀбикун, хуна чӀярличи вакӀибси муруй чебаибси чӀичӀала вирхъули кабушиб. Хулуйс дарман дирисра или, идачил барх хӀербирисри гӀяргӀя белгъи илизира нергъ дариб.

Сенилра хунул арахӀериубли ребкӀиб. Мураначи цалабикибти бахес или къялра белгъун. Калун ца ваца. Илра пикрибикӀуллири, ихти тӀимкъ сунес кадихъибти дуили ахӀенри, чус кади-хъибти дуиллири или.

Марлира нушала хабар мицӀирагличибли буриллира, амма ил сенилра мицӀирагличила ахӀен, ил адамтачила саби, бусурман узби-рузбачила саби. ИшбархӀи динла узиличи бакӀибси къяян жягӀялил бархӀи вегӀичи хӀякъни балуси левси ахӀен. ГӀарил бусурман адамличибси къяян, ит, лебил бусурмантачибси къяян саби, кумек барес вирули хӀебарисинира сунела гӀямрулизиб ихгъуна анцӀбукъ чебиу, кумек барисинира сунела ужра бургу.

Идбаг ﷻ викӀар: «Бусурманти ца къаркъалагъуна саби, ил къаркъа ца биркӀан изухӀелли лебил къаркъала изар».

«ХӀу Жагъаннабла цадехӀ унзала гӀалав вирудра»



Умар бин ХатӀабли ватаибси лагъ СагӀд аль-Джарини бурули викӀар, Пумар бин ХатӀабли сунела хунул Умму Кульсум ГӀяли асхӀябла рурси раклахъиб. Илени ил рисули чераиб ва се сабабли рисусил хъарбаиб. Умму Кульсум илизи рикӀар: «Ца жугъутӀли хӀу Жагъаннабла цадехӀ унзала гӀалав вирус или буриб». Пумар асхӀяб илизи викӀар: «Аллагъла ﷻ уличибли хъя бирулра наб гӀанбиркули саби ну Аллагъли ﷻ талихӀ чевсили аклахъубсира или». Пур КагӀб аль-АхӀбар кахъес адам вархъиб. КагӀб гӀаланачи ягъудли калунсири, гӀур чесили динра гӀяхӀси асхӀяб ветаурсири. Илени Муса идбагличичи ﷻ ху-рабарисси Таврат гӀяхӀил балусири.

Пумар асхӀябличичи вакӀили ил викӀар: «Дила рухӀ сунела вегӀдешлизиб сарсила Уличибли хъя бирулра, - Зуль хӀиджала баз хӀебиркур хӀул Алжунтази хуравирудра». Пумар асхӀяб илини дурибтачичи тамашавиуб, гъачам Жагъаннабла

унзала гӀалав, гӀур Алжунтазив или. Амма КагӀбли сунела буриси даимбариб: «Я бусурмантала пача, Аллагъла ﷻ уличибли хъя бирулра, нушани нушала кунгазиб (Таврат) бургуллира, хӀу Жагъаннабла цадехӀ унзала гӀалав тӀашли вирни, ила бухӀнабулхъути халкъ чарбарес узули. Илдира ила цалабиркути тӀашхӀебилзан Къиямала бархӀи бакӀайчи».

Пур замана дикили гӀергъи КагӀб Пумар асхӀябличичи вакӀили викӀар: «Я бусурмантала пача, хӀед хӀябал бархӀи сар калунти, илди дикибхӀели хӀу Алжунтази хуравируд». ИлхӀели Пумар асхӀябла изуси силра аги, я бекӀала хабар гӀанбиркахъуси сабаб аги. ПӀергъила бархӀи КагӀб гӀурра вакӀиб Пумар асхӀябличичи ва гӀурра викӀар ца бархӀи бикиб, хӀед кӀел бархӀи сар калунти или. Итис гӀергъила бархӀи ил гӀурра вакӀиб бусурмантала пачаличи ва илис ца бархӀи сабни калунси багъахъур. ПӀергъила бархӀила дехӀбайзив Пумар асхӀябла сӀягӀт сабаиб.

Ну дудешли гужли шери реддугула. Ғамтанира ил ғевурцули саби. Рурсила қысмаат арзес -дудешла қулулукъ саби, биклули саби илди. Амма наб цархил адам дигула ва иличибадти сукникьянабачи херлира. Сен чисалра дила ғайличи лехлахъес хейгуси? Илдани бируси шаригят хясибли бархъсира?

Дудешлизиб рурсилизи хьархебаили ил шери редес ихтияр лебси саби, эгер рурси ғалар шерир калунси хериалли. Илгуна ихтияр лебси саби дудешла шайчивадси хала дудешлизибра, эгер рурсила дудеш мицирли агарли виалли. Илкьяйда бируси саби шери реддугуси чум дус рирулил херхеили. Шаригятли илгуна тяхяр кабзахъурси саби камти ғямрула хьунул адам, ғямрула опыт агни бағандан, сунес се баралли къулайсил белгибарес бажардихериркни бағандан. Дудешлис сунела рурсилис ғяхси биублицун дигахъу, илала ғямрула опытра халаси бирар ва рурси чис шери редалли къулайсил белгибарес ункъли бажардивиркур. Илкьяйда бирахъес асубирахъуси саби даража хясибли рурсиличи вали-

Бусурманти ахенти адамтас садакьала пай беддугес асубирисив (христиантас ва цархилти динанала вакилтас, илдикун садакьа бурчули базуртачибра вокзалтазибра къаршибиркули саби)?

Садакьа беддугахъес маслигятбируси ахен бихабиклули яшав барес балбизурти адамтас, сенкун ил баркьуди илдани чула санигятли бетаахъурли саби. Амма садакьа бусурман ахенси адамлиса бедес асубирисив саби, чянкли къурбайс белгунси хяйва дий ва рамазан базла бурхназиб беркала (цябдиайчи) халхебарили.

Вағабийонтани азан бучули яра иличи къаршили дурабулхъули?

Вағабийонтани азан бучули саби, амма азаннис ғергъира, қаматлис ғалабра салават бучлахъес къадагъа бирули саби.

Хурматла узби ва рузби!

2015 ибил дуслис «Ас-салам» газеталис қулулукъ саби.

Газета қулулукъ барес вирар чиди-дигара почтала отделениелизиб. Илкьяйдали Дағьиста лерилра районтазибти нушала хянчизартачибад.

«Ас-салам» газета қулулукъ бирули, Дағьистайзиб Ислам тинтибирнилизиди хушалара пай кабирхулура...

Қудратла Веги Аллағли нушала уркибазиб иманра, Исламра, динничидигира имцадараб.

Дусла духнар дурадулхъути газетабала бағни бузри хясибли дарсдиклар!

Дирхулра, нушала бучланти газета агарли кахевлан.

Бурули саби, исламла цацадехти улкназиб бусурманти заманалис мекъ барилли кабалтуси тяхярра леб или. Асубирисив илкьяйда? Нушачирра лерара ил журала хъалибаргунни?

Исламла заманалис хъайчибаирахъес хяррамбируси саби. Никахила шуртгразибад ца, мағъар къадарбарисив заманалис хебиғни саби.

Қарқайчирти ғез авцали бархиличи урисес асубирисив саби или бурули саби. Нуни ил секлал ғар жумяғлизиб ғачам бирули виасли бунағ лебсив?

Агара илизиб бунағ. Қарқайчирти ғез урисни ғяхсиллизиди халбируси саби. Ил бирни ғяхси саби жумяғли бархили, цархилван буралли, жумяғли ғачам. Қарқайчир имцати ғез авцали бархиличир имцали далтни ғяхси ахен. Хуни бируси беглара бархъси саби.

Ғез цудардирес асубирисив?

Ғез цудара рангли рурхъахъес хяррам барисив саби. Абу Давудди ва Насаини баахъибси хядислизиб бурили саби: «Халкыли ғез цудара рангли рурхъу Ахират ғамбиклухели ва илдани Алжанала темалра хергъу».

Алжанализи сегунти аданти бурхъути?

Иш дуньялизибад Аллағличи бирхули арбькунти, Илала идбагунани бурни хясибли хербирули калунти. Қуръа ва суннала ғуни хясибли, динла авалра мазгъабла имамтани бурни хясибли хербирули калунти.

Будильник баршили, ил хясибли тағаджудла дехлала дирес алзес асубирисив?

Асубирар. Будильникли чеварғъахъилил яра сайцун чеварғъилил деклардеш лебси ахен. Тағаджудла дехлала дарес алзни имцадешличилли сунна саби (сунна-муаккад).

Хурматла узби ва рузби!

Динничил дархдасунти, «Ас-салам» редакциялизи яра даргала «Ас-салам» газетала редакторличи суалти лердиалли, хушани телефонна иш ғергъисиди номер хясибли зянкъдыхъес дирудая:

+7 (988) 303 00 08 (Ас-хаб).

Д и у б с и г ъ у н а кумекбирехле, иншаАллағ !!!

Муруйзирадекларарикибси хьунул адамлис ва шери херьякунси рурсилис цаибил ярғалис хяжли букъес асубирару?

Хьунул адамлис шерир сарил яра декларарикибси сарил херхеили, хяж барес асубирисив саби, чянкли варх мяхрам (ғамси, сунесра шаригят хясибли шери рулкъес асухебирисив) левлицун. Илгуна мяхрам агарли ви-

Бегти беклили калунси виштасила, бегтани баурси мас лебли биалли, илини ил сунес дигуливан бегъес вирусив?

Бегти агарли калунси виштаси виаб, ғяхкьу агарси (маджнун) виаб, секлал хисаб хебирисив (сафигъ) виаб, илдала валиби бирути саби, илди яра бегтани васият барили кабалта, яра къадини лайкъсиғъуна декларавиру. Виштасира халаваили, хянчи-гъундурала тяхяр-къайдурти дағъайчи илала мас харжбируси илала вали сай, сунезиб ихтияр агара, илкьяйдали ғурти клелрара (маджнун, сафигъ).

Валини илала мас харжбиру виштасилис хяжатти харжаназиб, масала сунечир черти фаризаби дяркъяхъес, берк-бержесилис, партайс, хъалилис, ғилму баркъяхъес ва илдиғъуна хяжатти мераначиб. Виштасила мас гьудурбарили, якъинли хайри касес вирули виалли, валини илра хебалта, илди гьудурдарили хайри кайсу. Масала виштасила арц сасили дузахъуси левли виалли, ил адамра бирхадичевси виалли, валини илди дедес вирар, лерил илди вягдуртазиб бикибси хайри чянкли виштасила (маджнунла, сафигъла) бирар.

Рузнама

Апрель

дни	Утрений Ас-Субхл	восх.	Обеден. Аз-Зутър	После-обеден. Аль-Ғаср	Вечерн. Аль-Мағъриб	Ночной Аль-Ғишаъ
1	03:53	05:31	11:56	15:29	18:17	19:47
2	03:51	05:29	11:55	15:30	18:18	19:48
4	03:47	05:25	11:55	15:31	18:21	19:51
6	03:43	05:22	11:54	15:32	18:23	19:53
8	03:39	05:18	11:53	15:33	18:25	19:55
10	03:35	05:15	11:53	15:34	18:28	19:58
12	03:31	05:12	11:52	15:34	18:30	20:00
14	03:27	05:08	11:52	15:35	18:32	20:02
16	03:23	05:05	11:51	15:36	18:34	20:04
18	03:18	05:02	11:51	15:37	18:37	20:07
20	03:14	04:59	11:51	15:38	18:39	20:09
22	03:10	04:56	11:50	15:39	18:41	20:11
24	03:06	04:52	11:50	15:39	18:44	20:14
26	03:02	04:49	11:49	15:40	18:46	20:16
28	02:58	04:47	11:49	15:41	18:48	20:18
30	02:54	04:44	11:49	15:42	18:51	20:21

Рузнама Мяхячкъалала шағарлис саби

Рекомендовано каноническим отделом ДУМД для г. Махачкалы